



Notat

Til: Hege Eide Vik

Kopi til:

Saksbehandler: Stab/Lin Tove Thomassen
Vår referanse: 21/97 - 34 / FE-033, HistSak-20/532
Dato: 30.09.2021

Emne: Svar på skriftlege spørsmål - kommunestyret 28.09.21

Erlend Hesjedal-Johannessen, Høgre stilte følgjande spørsmål i epost datert 15. juni 2021:

Spørsmål angående Stanghelle skule

Det er no eitt år att av dei planlagte fire åra med modulskeule på Stanghelle, som vart vedteke som ei midlertidig løysing i hausten 2017.

Det har vore utfordrande år på fleire måtar, for born frå Dale og Vaksdal som har måtta reisa med buss over lang tid og for tilsette som har arbeidd under litt midlertidige høve i fleire år.

Likevel er det borna frå Stanghelle som har hatt den mest langvarige tida med stadig skiftande situasjon, og der fleire klassetrinn ender opp med tre eller fire kontaktlærarar i perioden, stadig skiftande klassekameratar og der skulemiljø har vore utfordrande.

Med eitt år igjen av perioden er det ein del spørsmål som no kjem opp rundt modulskeuletida og tida etter at byggeprosjekta er ferdig. Med færre elevar på skulen etter neste skuleår har ein nok ikkje behov for modulskulen lenger. Og når lærarane som er tilsett ved Vaksdal Skule igjen skal arbeida på Vaksdal er det ikkje nok lærarar som høyrer til Stanghelle Skule til å bemanne denne.

Med stor grad av utskifting av vaksne på skulen er det meste frå før modul-tida borte og mykje av kulturen og miljøet på Stanghelle Skule må byggjast opp att frå grunnen av.

Det er særskild viktig at dette blir håndtert på ein god måte, slik at ein kan sikra kontinuitet med kjente fjes og trygge rammer dei neste åra.

Spørsmål:

- Korleis ser ein for seg at Stanghelle Skule blir drifta frå og med hausten 2022?

- Og her under korleis skal ein sikra at bemanning ved Stanghelle Skule er god ved oppstart dette året.
- Kva kostnader har eventuell oppbemanning for driftsbudsjett 2022?
- Kva er planen per dags dato med modulskeulebygget etter skuleåret 2021/2022?
- Kva er faktisk kostnad for investering og drift med modulbygg samt transport med buss etter tre år sett opp mot vedtatt kostnadsramme, og kva er stipulert kostnad etter fire fullførte år?

Svar:

Frå hausten 2022 vert både Stanghelle skule og Vaksdal skule fådelte skular slik dei var før dei vart slått saman. Ein fådelt skule vil seie at nokre årsteg går saman. Korleis dette vil sjå ut ved oppstart i august 2022 vil ta utgangspunkt i elevtalet på det enkelte årsteg og korleis skulen ved rektor vurderer samansetjinga av ulike årsteg.

Slik stoda er pr. i dag er det tilstrekkeleg bemanning for skulane på Vaksdal og Stanghelle samla på Stanghelle. Alle lærarane i Vaksdal er tilsett i Vaksdal kommune og er ikkje tilsett på den enkelte skule. Ved nytt skuleår i 2022 vil dei lærarane vi har tilsett verta fordelt slik at det er tilstrekkeleg bemanning både på Stanghelle og Vaksdal ut frå elevtal og gruppesamansetjing.

Elevtalet ved Stanghelle skule og Vaksdal skule tilseier at det ikkje vil vera behov for oppbemanning for driftsbudsjettet 2022. Nærare om budsjett 2022 for skulane vert lagt fram i budsjettdokumentet og på budsjettseminaret i november 2021.

Modulskeulebygget som står på Stanghelle har vi leigeavtale på fram til sommaren 2022. Når avtale opphøyrer vert modulbygget ført tilbake til utleigar.

Kostandar med buss for elevar, både frå Dale og Vaksdal, ligg i driftsbudsjettet til skulane. Årleg kostnad for skyss pr. elev er om lag kr. 6900. Med om lag 95 elevar som er skyssa dagleg vert total kostnad kr. 1 966 500 for tre år og kr. 2 622 000,- for fire år.

Når det gjeld punktet om kostnader investering og drift av modulbygget må kommunedirektøren få lov å kome attende med eit svar her. Spørsmålet er samansett og for å svare korrekt treng ein å sikre kvalitet noko meir for å få med heile biletet og korrekt kostnadsramme.

På vegne av SV, har Kjartan Haugsnes stilt følgjande spørsmål:

Oppfølging av budsjettvedtak 2021

Kommunestyret i Vaksdal i møte 15.12.2021 gjorde slikt samrøystes vedtak:

Næringsareal.

Kommunestyret ber om at det innan 01.09.2021 vert utarbeida oversikt og eventuelt prospekt over ledig næringsareal i kommunen. Dette arbeidet må og sjåast i samanheng med omregulering Dalegarden og strategisk næringsplan.

Bustadtomter.

Kommunestyret ber om at det innan 01.09.2021 vert utarbeida oversikt og eventuelt prospekt over ledige bustadtomter offentlege og private i kommunen. Arbeidet med ein slik oversikt vert lagt til Vaksdal Næringselskap og målsettinga er ein felles marknadsføring av ledige tomter til bustader og næring innan 2022»

Spørsmål frå SV:

Kva er status i høve kommunestyret sitt vedtak gjeldande nærings og bustadareal som skulle vore rapportert inn innan 01.09.2021?

Svar:

Sjå referatsak 84/2021.2 i innkallinga.

I tillegg har Vaksdal Næringssselskap ved Vidar Skeie gjeve følgjande svar:

Bustad- og næringsareal

Ledig areal for bustad og næring er spesifisera i kommuneplanen sin arealdel frå 2019.

Av ledige tomter for marknadsført næringsareal med prospekt i Vaksdal kommune er det Dalegarden nord på 15,6 mål som i dag ligg på Finn.no. Dette næringsarealet har Vaksdal Næringssselskap jobba med sidan 2009 for å få klargjort (ferdig i 2014).

Næringstomt for sal:

15,6 mål Dalegarden nord: <https://www.finn.no/realestate/businesssale/ad.html?finnkode=193848435>

Av bustadtomter med prospekt er det to områder som er marknadsført. Ei tomt på 5,3 mål på Tettaneset og sju tomter på Vaksdal.

Bustadtomter for sal:

Sju tomter på Vaksdal – Svena: <https://www.finn.no/realestate/plots/ad.html?finnkode=223763995>

Tomt 5,3 mål Stanghelle –

Tettaneset: <https://www.finn.no/realestate/plots/ad.html?finnkode=182307623>

Korleis det går med å få godkjent omregulering av Dalegarden sør er ukjent for VNS. Strategisk næringsplan er i prosess, og VNS har hatt gode møter med EY. Kommunedirektør held i omregulering Dalegarden og strategisk næringsplan.

Reguleringsplan for K5 Arna-Stanghelle vil leggja store føringar for bustad- og næringsareal på Vaksdal og Stanghelle. Heilskapleg områderegulering av desse bustad- og næringstomtene er det som vil bidra til størst auke i konkurransekraft og vekst og utvikling av Vaksdal kommune i framtida. Kanskje vil det vera mogleg å skapa meir areal frå steinmassane òg?

Vaksdal Næringssselskap AS ynskjer å fornya seg i høve ny strategisk næringsplan i 2022 og marknadsføring av tomter vil ha stor merksemd.

Gjeldande videoovervaking i skulane.

I fleire kommunar har det dei siste åra kome fram at skular har fått installert videoovervaking i og rundt bygga. Temaet har vore så stort at datatilsynet har kome med eigne retningslinjer for slik overvaking.

Her kan ein mellom anna lese følgjande:

«Overvåking på skoler for å motvirke hæververk eller annen kriminalitet skal normalt avgrensast til perioder utanfor alminnelig skoletid. Dette gjelder både inne og ute på stader hvor elevene ferdes i sin skolehverdag, slik som skolegård, ganger, kantine eller klasserom. Elever og foresatte skal være godt informert om overvåkingen og når den skjer.

Skular kan bruke kameraovervaking, men det er ulovleg dersom overvakinga skjer heile døgnet. Som hovudregel godtar ikkje Datatilsynet overvaking av område der elevane oppheld seg (til dømes i skulegarden, gangar eller kantina). Det skal svært mykje til for at overvaking i skuletida vert tillete.

Før kameraovervaking vert teke i bruk må skulen vurdere om kameraovervaking vil hjelpe, og om problemet kan løysast med andre tiltak. Hovudregelen er at kameraovervaking ikkje skal brukast dersom problemet kan løysast, eller risikoen minimerast, gjennom bruk av mindre inngripande tiltak.

Går du på ein skule med kameraovervaking, skal leiinga på skulen kunne gje svar på følgjande:

- Kva område blir overvaka og når? For å avklare om kameraovervaking er lovleg må ein først finne ut av omfanget av overvakinga. Skulen har plikt til å varsle kva område som vert overvaka gjennom skilting.
- Kva er formålet med kameraovervakinga? All kameraovervaking må ha eit klart og avgrensa formål. Utan eit klart formål er det umogleg å vite om kameraovervaking er eit akseptabelt tiltak.»

Spørsmål til kommunedirektør.

1. Finnes det i dag, eller er det planlagt installasjon av kameraovervaking på skulane i Vaksdal kommune?
2. Om svaret er ja i spørsmål 1, er datatilsynet sitt regelverk implementert og er elevar og føresette informert om videoovervaking?

Svar:

Det er tilrettelagt for kameraovervaking på Dale skule, men her gjenstår søknad som skal sendast inn. Kameraovervakinga er difor ikkje sett i drift. Vaksdal kommune vil eller kan ikkje sette dette i gong på tvers av Datatilsynet sitt reglement.

For samfunnsutvikling er det viktigast med ei form for overvaking etter skulen er slutt og i helger, dette for å avdekke eventuelt hærverk på bygg og uteanlegg. Det vil ikkje vera kameraovervaking i skule/SFO – tida.

Heidi Rongved, Ap stilte følgjande spørsmål i epost datert 21.09.21:

Spørsmål til ordføraren.

Eit frivillig lag har fått spørsmål om dei kan bidra med å gje mat til eldre på Sjukeheimen som har vanskar med å eta sjølv. Dei er òg blitt spurd om dei kan vera med å ta oppvasken. Det er ikkje snakk om ein gang av og til, det er kvar dag.

Det må vera for lave budsjett som gjer at Sjukeheimen ber om slik hjelp.

Dei frivillige skal ikkje overta lovpålagde oppgåver i til dømes Helse- og omsorg. Det at bebruarane på ein sjukeheim får i seg næring, er vel i aller høgste grad lovpålagt. Det same gjeld at koppar og kar er reine.

Spørsmåla mine til ordføraren blir:

1. Synes ordføraren at frivillige lag og organisasjonar skal bidra til at dei eldre får i seg næring?
2. Vil ordføraren vera pådrivar til at me, som folkevalde, i samband med budsjettarbeidet får vita kor stort budsjett einingane treng for å gjera den jobben dei skal? Det hadde vore fint om me fekk vita konsekvensane dersom dei får mindre enn dei meiner å ha trong for.

Svar frå ordførar:

Eg har fått følgjande svar frå kommunalsjef for helse og omsorg:

Avd.leiar på Ressurssenteret har jamleg samtalar med Røde Kors Omsorg Vaksdal, ved leiaren i laget . Ein del av desse er formelle, der dei har avtalt møte. Andre samtaler er meir uformelle, der ein oppdaterer kvarandre når ein møtes meir tilfeldig.

I forbindelse med eit av desse uformelle møta har dei snakka om behovet for meir struktur knytt til det frivillige arbeidet. Slik det fungerer i dag, baserer samarbeidet seg i stor grad på enkelthendingar og enkeltbesøk. Avdelinga oppleverer samarbeidet med Røde Kors Omsorg Vaksdal som svært godt, og laget vatnar blant anna blomane ute på sommaren som fast oppgåve. Dei stiller opp på bebuarfestar og har også hjelpt til i avdelinga når tilsette har hatt større fagdagar. Då har dei gjort praktiske oppgåver som oppvask og anna, men sjølvstøtt ikkje tunge pleieoppgåver. Ved å strukturere samarbeide med frivillige inn på sjukeheim, kunne me ha planlagt og fått til enno betre utbytte av møta mellom bebuar og dei utanfrå.

Avdelingsleiar har gitt eksempel på kva frivillige bidreg med i andre kommunar. Det er eksempel som tur, samtalar, musikk, praktisk hjelp ved arrangement og enkle oppgåver i dagleg drift. Her har mating vore eit av eksempla frå andre kommunar. Spisevenn for heimebuande er blant anna ei ordning i Bergen, der frivillige møter heimebuande til måltid og et saman.

Vaksdal kommune baserer ikkje drifta på frivillig bidrag inn i basale behov hjå bebuarar på institusjon. Me ynskjer frivillige velkommen til å bidra med det dei kjenner seg komfortabel med og som me kan fagleg stå inne for. Den sosiale opplevinga kring matsituasjonen er berre eit av eksempla på oppgåver frivillige kan utføre.

Framover er det eit ynskje å strukturere samarbeidet med frivillige og legge til rette for gode møter i kvardagen. Dette arbeider ein også for i kommunane rundt oss. Dei frivillige er ein viktig ressurs som me set stor pris på, og dei skal ikkje overta oppgåver som høyrer dei tilsette til eller på fast basis dekke basale behov hjå brukarane utover det sosiale.

1. Ordføraren meiner at ein ikkje skal basere seg på frivillig innsats i høve ernæring. Men ordførar ser ikkje at det er noko i vegen for ei ordning med spisevenn dersom dette er innafor kapasiteten til dei frivillige og noko dei ynskjer å bidra med, og som dei eldre ynskjer å ta imot.
2. Til spørsmål nummer 2, meiner ordførar det er naturleg å ta dette temaet opp på budsjettseminaret, slik at me får konkrete svar på kva konsekvensar budsjettprioriteringane får for bebuarar på institusjon og heimebuande eldre, samt at me kan drøfte dei frivillige si rolle framover med tanke på å rekruttere og behalde frivillige.